

民潮七日記

譙北楊塵因著




國 民 大 會 全 景




(一)



(二)



罷市各舖之說帖景




罷市途之白旗景



童 子 軍 維 持 秩 序 景



商 界 之 呼 籲 景



學 界 之 呼 籲 景



各 學 生 勸 告 開 市 景



童 子 軍 勸 告 開 市 景



女 學 生 勸 告 開 市 景

上海民潮七日記

譙北楊塵因著

赤日吐火烈風捲塵寒暑表之熱點突達一百零一度塵因枯坐斗室默聞黃浦江之潮汎日益澎湃狂號怒吼鯨鱷爲驚一似萬千之迅雷激電直向天空奮鬪與惡魔戰卒驅大鯨巨鱷於東海之濱打破五千年強權之魔障恨痕焉煌煌焉發展吾神州絕大之異彩且爲一般利用強權者下一特殊之警告書使知世界公理終非強權可戰勝也風過潮平爰濡墨誌其真象沙融泥輒留一鴻之爪跡而已

讀我民潮七日記者未展卷之先應先知今日新世界乃公理與強權奮鬪之戰場公理之上決不受織毫強權所威挾者於是德謨克拉西主義發現

世界之潮流頓然翻新而平民共治之思潮因之異常澎漲凡官吏所恃（金錢）（鐵血）百戰不衰之專橫政策一旦爲公理搗破亦不得不易其猙獰面目而向人民佯笑曰（俯順）曰（曲從）矣平心而論斯非人民過激乃官吏恃平日強權威挾特甚而驅迫人民自動者也卽如此次民潮發動之原因大都謂因外交不平之故然余判之外交不平僅一導火線耳而種惡之因仍屬內政譬如與日本密約之二十一條在當日日本政府所要求固屬無理而我政府竟甘心喪失國權一一承認則大謬矣強佔青島以及密訂濟順高徐等路約在日本政府所要求固屬無理而我政府竟甘心喪失土地一一不敢與抗則大謬矣或有質問政府一般官吏者彼官吏必咨嗟而歎曰不得已……不得已……更詰其不得已之故必又曰前者某

借債所至也。前者某購械所至也。然則官吏借債購械之爲何大概。因洪憲恢復帝制事。張勳復辟事。籌辦選舉事。練兵國防事。馮徐總統就職事。南北戰爭事。卽此諸端。皆彼官吏自作之孽。與我人民何利。八年以來。日日設法。而官吏之違法者。屢見。日日練兵。而武人之搗亂者。屢見。執政者專權掠民者。盈野哀我人民。損失財產。損失生命。不可記數。更加以外債之負擔。日增。內亂之奮鬪。日盛。最後而以人民之公產獻媚與人。且不許人民質問。噫。何幸而爲中國之官吏。何不幸而爲中國之人民哉。

歐戰告終。吾國人民對於青島以及濟順高徐路約諸問題。特向政府呼籲。屢矣。苟政府明白答覆。或罷諸作俑者之職。守人民亦未必無商量之餘地。彼官吏仍堅守其官官相護之政策。置若罔聞。遂釀成五月四日北京大學



之劇潮而開人民與官吏奮鬪之覺。覺既開矣。苟官吏仍能行其（俯順）（曲從）之政策。罷諸作俑者。職守民潮亦可漸平。奈何彼不猛省。仍施其雷霆萬鈞之手段。而使警廳逮捕學生。如六日之命令曰（學生糾衆集會。縱火傷人）曰（依法逮捕懲辦。勿稍疏弛）八日之命令曰（各生方在青年性質未定。自當專心學業。豈宜干涉政治）曰（所有當場逮捕滋事之人。既由該廳送交法庭。應即由法庭依法辦理）十四日之命令曰（毋得干預政治）曰（不率訓誡。糾衆滋事者。查明斥退）二十五日之命令則曰（羣言汜濫。多軼範圍而不逞之徒。復藉端煽惑淆惑人心）曰（如再有前項情事。務當悉力制止。其不服從制止者。應即依法逮捕。以遏亂萌）六月二日之命令。且爲曹汝霖。章宗祥。陸宗輿三者加以辯護。曰（曹汝霖

任○外○交○財○政○陸○宗○輿○章○宗○祥○等○先○後○任○駐○日○公○使○各○能○盡○力○維○持○補○救○之○力○
乃○根○據○曹○陸○等○自○辯○之○意○三○四○兩○日○而○步○軍○統○領○王○懷○慶○大○施○其○如○豺○如○
虎○之○威○逮○捕○徒○手○遊○行○之○學○生○三○千○衆○以○北○京○大○學○學○舍○作○臨○時○拘○留○所○圍○
以○重○兵○禁○以○重○械○種○種○以○強○權○威○挾○設○以○若○輩○處○於○人○民○地○位○身○受○此○等○威○
挾○吾○恐○亦○必○奮○袂○反○攻○曰○慶○父○不○除○魯○難○未○已○也○物○不○平○則○鳴○是○非○自○有○公○
理○余○讀○誠○報○記○者○英○人○靜○軒○之○感○言○曰○（○政○府○中○之○曹○陸○章○已○爲○衆○民○所○吐○
棄○按○民○治○國○章○程○例○應○辭○職○苟○不○辭○職○亦○應○褫○職○其○有○罪○無○罪○可○不○必○過○問○
矣○蓋○既○不○能○取○信○於○人○即○不○能○作○民○之○代○表○斯○問○題○較○青○島○問○題○爲○更○大○民○
治○專○制○即○由○此○犀○分○）○足○見○此○次○之○風○潮○乃○政○府○自○釀○者○而○人○民○此○次○與○官○
吏○之○奮○鬪○即○公○理○與○強○權○之○奮○鬪○也○

或問政府何故甘心蹂躪三千學子之自由權置民意不顧而始終保全曹陸章之地位且代若輩辯冤獨不知共和之下民意爲重乎余曰政府未嘗不知尊重民意也但政府尊重民意則別有作用如袁氏恢復帝制時各省籌安會勸進彼則曰民意也其次以金錢收買之選舉票而被選者則曰民意也舍此而外早不知民意爲何物彼以爲民意二字舍上述兩端借重而外他無纖毫價值卽有一二次反抗之呼聲亦是三五分鐘暴動彼頒一逮捕懲辦之令自可安然其所以輕視民意之因未始非我人民平日重視官吏之弊其對於同僚官吏不敢加以懲辦而始終保全者又何故余前云（官官相護）四字仍不能概括其要今讀張季直致徐大總統段祺瑞電言濟順高徐兩路借款之約事曹汝霖曾通電曰（此路約因徐總統就任無

款不得已而爲之。余惟效京劇取成都劉璋憤向劉備曰好一個不得已而爲之宜乎徐大總統必欲保全曹陸章之地位也。徐大總統既有難去曹陸章地位之隱因而施其（懲辦）（逮捕）之手腕對待學生而不知民意發達決非昔日可比。果能以一（逮捕）（懲辦）之令威挾民意不敢復張則袁氏早稱洪憲大皇帝亦不待馬二先生賣南海之魚徐大老班逐中原之鹿矣。況今日世界潮流之趨向民氣澎漲已達極點其如聖彼得堡之麵包聲足以戰勝哥薩克之馬兵柏林之紅旗影足以挫折普魯士之軍隊彼不自量而加以強權威挾多見其不知燈籠火把也。雖然若非中央官吏加以威挾則人民必不若是憤慨而海上民潮亦未必放儲大之異彩矣。余又謂此次製造民潮者其功不在人民而在中央之官吏。余敢代表人民特向

中央官吏稱謝曰。今而後。深感大德。締造我人民自立之新紀元。

上海罷市風潮。興自六月五日。而人民憤慨之動機。早準備於五月七日。其間醞釀匝月。各界人士之苦心呼號。已精疲力瘁。按本書止記罷市後七日之民潮。原可不必追述前事。但記事求實。必溯原因。方可見此次民潮之本末。然余亦不忍淹沒各界人士鼓吹民潮之苦心。略而不記也。初北京大學風潮發現後。四日上海世界和平共進會。浙江山東陝西甘肅四川同鄉會。策進永久和平會。四川湖南安徽各協會。江蘇教育會。華僑聯合會等等。因山東問題異常憤激。擬於五月九日（國恥紀念）開國民大會於西門外公共體育場。其籌備事務所設法界霞飛路。仁和里。留日學生救國團。斯時留日學生救國團以及商業公團對日後援會等亦通電全國。挽救青島之國。

土（電略）此上海民潮發動之起點也。而繼起者如南洋公學、聖約翰大學、復旦大學、大同學院、同濟醫工專門學校、中華工業專門學校、南洋路礦學校、省立第一商校、同德醫學專門學校、中國體操學校、寰球學生會、澄衷中學校、浦東中學、嶺南中學、南洋中學、務本女子中學、勤業女學、愛國女學、民生女學、青年會、東吳大學、東吳第二中學、英華書館、神州女學、廣東學校、啓秀女學、尚公學校、承天學校等，亦奮袂進行。由漸而各學校各商團各平民結合之會社紛紛加入，如風馳雲湧，不可以數計矣。是日各界蒞會者逾二萬人，沿途白幟紛飛如雪片，秩序嚴肅，洵開空前莫大之壯觀也。該會場門頭高懸白布橫額，大書國民大會四字，佐以國旗二方，入門兩側各植木竿二，上懸白布長尋丈，其一書（開會秩序）（二）推定主席（三）報告開會宗

旨及經過情形（三）宣布辦法（其辦法亦分三端（甲）致電巴黎和會及我專使力爭青島及取銷密約不得則退出和會（乙）要求懲辦賣國賊（丙）要求釋放北京被拘學生）（四）演說（五）游行其一書（游行秩序）第一大隊各大中學校學生第二大隊各小學校學生第三大隊各平民結合之團體其游行之路程自法華民國路轉黃浦灘直達德國總會也。午後一時開會推定江蘇教育會副會長黃炎培主席次由留日學生救國團幹事長王宏實報告開會宗旨又次如葉剛久汪憲章朱隱青光明甫相繼演說者二十七人其激昂悲愴之聲浪中大都是請誅國賊挽救國土之語意余因敬服其爲天經地緯之呼聲然限於篇幅亦不遑遍述也最後宣佈辦法四條（一）電歐洲和會我國專使對於青島問題無論如何必須力

爭萬不獲已則決不簽字（二）電英美法意四國代表陳述青島不能爲日有之理由以我國對德宣戰本爲剷除武力主義若以青島付之日本無異又在東方樹一德國非獨中國受其禍世界各國之後患亦正未有已（三）電各省會教育會商會謂請一致電京力爭外交問題及營救被捕學生（四）由本日國民大會推代表赴南北和會要求兩總代表電京請從速嚴懲賣國賊釋放學生接次鼓掌如雷動幾有不可少息之勢遂分隊各持白幟出發偉哉以二萬餘衆結合之大會列隊於途秩序不少紊亂男女老幼各自眉目之間俱流露悲愴激昂之色手持白幟一柄詞句各書不同如（挽回國權）（國民自決）（討賣國賊）（誓死力爭）（時日曷喪）（國人皆曰可殺）（小餓鬼想喫天鵝肉）（還我青島）（還我山河）（扶持公理）（抵

抗強權（共討國賊）（不甘心死）等等不下千百種類然余管見以爲（挽回國權）（國民自決）（扶持公理）（抵抗強權）等字樣爲至當也當其出發之初原擬會衆遊行至大東門散隊另推代表赴和會請求嗣因衆心激昂不可遏止於是結隊同行迨至民國路與法租界接壤凡通路等處均由法捕把守並安南巡隊往來然未加以干涉復至法界外灘則爲中西巡捕勸阻主席交涉無效無已乃由原路前進至大東門散隊客有因之憤慨者余曰斯正可證明吾人民此次之發動乃有秩序之發動守法律之發動也按租界章程凡列隊逾若干人以上者必先通知捕房給與牌照然後捕房通知沿途巡捕加意保護苟無此項手續照例不許通行今國民大會人衆數萬事先僉促未能辦妥交涉臨時當然見阻我人民今能守其章程不

以一時憤氣與爭。足見此次人民之發動。非若昔日北京之公民大會。違法而暴舉也。最後學生高時夏者。剴切痛訴其苦衷。加以澄衷中校學生抵死不。不肯解散。英捕亦爲所動。遂通融辦理。將多數慰勸之。返少數慰勸不得者。各將所執之小白幟收捲。徒手散行。時英界之華捕亦多紛紛道歉。曰我亦國民一份子。惟今日身負責任。不能與若同行。云云。凡遊行不少。加怒色。且以禮貌對之也。比時寒暑表之熱點已達九十二度。入夏之後。熱度最高之第一日。其散行入英租界者約四百餘人。同處於黃浦灘頭。烈日炎蒸之下。平息不紊。間有日人過往。若輩視若不見。並不以血氣用事。加之侮辱。民氣誠漸入文明之軌道矣。謁見南北總代表者。當時推舉光明甫、鄭浩然、黃界民、三君。嗣又推舉朱麇、石王宏、實沈卓、吾陳家、鼐四君。一再要求。始獲唐

朱兩代表允代要求負政治上責任者之去位明知向若輩圓頭滑腦之和事老人要求事件必不能達充分目的但手續上亦不得不進行一次可見少沿些須官吏氣味者概不足恃而所可恃者惟平民耳一時各業商人大爲感動輸金助費如二洋涇橋長發棧主人陳復初絡繹不絕而國恥紀念休業一日各書業商會書業商團同志會洋布業等雲捲而起最得一時之濟者如同濟寶隆等醫學醫院結合二十餘人聯絡各校童子軍共組臨時紅十字會當場診救平民所知名者約一百二十餘人其不知名者尙莫能定數當晚國民大會復開緊急會議於事務所籌劃進行諸辦法而民氣沸騰從此蒸蒸日上矣

國民大會成立之後四日（五月十一日）上海男女各學校結合四十餘校

之多。爲救國計。組織學生聯合會。其進行主義。與國民大會大致相同。所少異者。准備全體罷課。分道露天演說也。尤妙者。當此風狂浪湧之時。忽現燕語鶯啼之會。勾欄中如妙蓮校書。忠告曹陸章。引咎辭職。後繼起如林黛玉。笑意鑑冰花。娟娟洪第金第等數十名妓。結合不忘國恥。會各於枇杷門下。高標（五月九日停止歌宴）等字樣。余睹之不禁肅然起敬。嗟夫。以質如蒲柳。性如楊花之妓女。於酣歌慢舞之餘。猶知愛國。吾不知當今之紗帽式。外交聖手。胡甘心冒大不韙哉。或曰。今日之官吏。本可與娼妓同等。余以爲若妙蓮輩。此次舉動。而官吏直娼妓之不如矣。聞是夕。東亞酒樓之廣廳中。有南北和議代表某某。廣宴賓客。當燈紅酒綠之餘。飛牋招妓娛樂。忽爲被招之妓。從牋後答之曰。（國事多艱。無心應召）竟不赴局。未知若輩代表。

大人讀此八字答覆書可少動於中否余恐若輩接覆之後必擷其仁丹之鬚曰個妮子爾果違抗命令而思逞乎彼松子菊子亦足娛樂也商女不知亡國恨隔江猶唱後庭花余今於商女二字欲易作官吏矣客又詢余曰若子所述則今日吾國之人民已無不肖份子余曰吾國平民之人格本居一般人類之最高級其所間有不肖者亦是平日沾染官吏氣味因而中變名曰平民實則早陷入官吏之漩渦中矣如最近民潮怒發之中發現一種異怪之通電卽朱葆三沈聯芳主持總商會時以上海總商會名義表示之佳電其文云（北京大總統國務院外交部農商部鈞鑒青島問題激成全國公憤皆由章宗祥不勝其任（曹陸如何耶）查章使於洪憲未成之後不願長農商長司法而獨願出使日本其意不知何居又查歐戰開端日本以

哀的美敦書致青島德軍（一箭射出九萬里之外）云爾曹不卽退出。當以兵車相見。如青島爲我所佔。待歐戰平民交還清國（妙哉清國）此言也。全球皆知。豈能變更（此是代清廷作辨護士）今歐戰既停。章應如何。商承政府詢問日本作何手續交還。乃計不出此。電請我政府提交歐會公決（絕妙好文不甚明白）不料因有英日法日意日密約之牽制。致遭失敗（不知聞何者所云）又不奉命。遽回本國。甫抵都門（接得真妙）忽有辭職之意。携眷到津。復潛住曹寓。其父其兄久處京城。何以舍而寓曹（牽及家務事矣）情甚詭祕。人之猜疑。實由自召（所見太小）值茲輿論譁然。羣情鼎沸。尙係對於章使。具有憤懣不平之現象。而對於日本並無別種舉動（雖對於外交無別種舉動。然非先生所云之意也）凡我國民深

知國步維艱。當靜以處事。爲此電請鈞座。迅賜遴派資格聲望足以勝任大使者。（恐無其人）任命日使尅日起程前往。（乘飛艇去何如）堅持歐戰。平定交還清國一語。（妙哉清國）逕與日廷磋商交還手續。（遲了）和平解決。免貽伊戚。並請電知陸專使。對於協約各國。聲明交還青島之語。日本發表在先。與他條約無牽制。（外人早明白矣）應將此項議案提出大會。由中國派員與日本直接交涉。（何不云清國耶）際此人心浮動。（誰心浮動耶）伏乞將辦理情形。曉諭天下。俾安大局。而免鼓噪。（誰鼓噪耶）無任迫切待命之至。上海總商會印佳。余初睹此文。卽驚爲異。故以游戲之筆加評之。復睹其文意。若似別有作用者。海上商界人士。不乏通才。何至措辭若是荒謬。況朱葆三沈聯芳二君。平日辦事極精至細。亦不能不

加檢查。而代其負責也。余疑未決。而商人沈卓吾趙錫恩等相繼攻擊。接次商界五十六公團起而反對。後經聯合通信社探得佳電之真相。關係出於上海某國商會會長之意。由吾國總商會會長朱某之子。（刻任某國某銀行買辦）親任轉達之勞。輾轉磋商。爲日已久。參與其事者。聞有八人。其電文係自某國文字翻譯者。祇刪去親善等語。由朱授意沈聯芳拍發之。不意因一清國字樣。爲人揭破其奸。於是商界大動公憤。羣起攻之。朱沈亦知衆矢難止。遂自請取銷佳日之電。商民仍攻之不已。朱沈遂相率去職。由是總商會則陷於無政府地位。而商界之民氣。因之益形澎漲。苟朱沈在位。必不任商民開會自由。商民之憤慨。必不敢若是猛進也。朱沈究據何種心理。若是荒謬。卽是朝夕與官吏相近。沾染官吏之氣。習利令智昏。故耳。雖然。若非

佳。電。之。激。動。公。憤。而。此。次。商。民。罷。市。亦。未。必。驟。然。而。興。也。繼。學。生。聯。合。會。而。起。者。救。國。十。人。團。爲。人。民。結。合。之。團。體。中。最。佔。勢。力。者。也。其。次。臨。時。發。現。者。如。中。華。工。界。聯。合。會。共。同。救。國。會。中。醫。學。校。勵。志。會。女。子。救。國。團。東。吳。中。學。演。講。部。華。僑。聯。合。會。國。貨。維。持。會。少。年。團。中。華。書。局。宣。講。隊。公。義。儲。金。團。中。華。青。年。勵。志。團。中。華。工。商。研。究。會。中。華。女。子。救。國。會。等。等。筆。不。勝。述。直。至。五。月。二。十。六。日。而。上。海。六。十。一。學。校。一。律。罷。課。矣。其。罷。課。之。後。各。校。游。行。演。說。日。見。十。數。起。自。追。悼。郭。欽。先。之。後。民。潮。之。怒。奮。益。甚。余。因。不。在。七。日。民。潮。之。內。故。不。詳。述。也。

六。月。五。日。（陰。曆。五。月。八。日）晨。八。時。余。友。馮。念。詒。自。電。局。歸。告。我。各。界。已。罷。市。一。時。市。中。人。聲。鼎。沸。勢。若。不。可。遏。止。者。余。遂。整。衣。往。英。大。馬。路。所。經。過。

道途。如大通路新聞路派克路等僻靜之市。而商店已雙扉緊閉。高樹白旗。男女老幼之商民。游行街市中。忽聚忽散。莫不各作悲憤之形狀。救國救國之聲。浪彼呼此。應雖有三五鷹麟虎視之巡捕。老爺亦呆立一旁。如木鷄不能阻止其行動。包過英大馬路。以至法大馬路。瞥眼一過。肅然起敬。見道旁各家商店。舍高懸白旗。而外門側多貼（切勿暴動）（文明抵制）字樣。道中游人如蟻。皆不紛亂。而各校大中小學生。咸持白旗。一方沿途演說。尤足動人者。如童子軍各束裝荷棒。維持秩序。以年不滿十二三齡之幼童。尙知愛國。且表示其神聖不可侵犯之形狀。愈足愧煞一般如狼如虎之軍人矣。按罷市之因。余曾略述於前。而比日之導火線。乃上海護軍使盧永祥警察廳長徐國樑知事沈寶昌也。當王懷慶大捕北京學生之風。傳播南來上海。

學生聯合會即以公義要求商民罷市。比時商界人民聚於南市縣商會。特開緊要會議。即由上海學生聯合會代表及北京學生代表等蒞會報告。經過之情形不意突奉淞滬警察廳長徐國樑公函。詔奉盧護軍使訓令。停止會議。並勸令各校學生勿得入會。要求等語。茲錄其公函於下。俾閱者讀之。即可見彼官吏之聲勢赫赫矣。其文云：（敬啟者。現奉淞滬護軍使訓令。以凡有集會結社情事。務須先期報告。非得官廳許可。不准擅自舉行。以保治安。而杜滋擾等因。業經剴切布告在案。聞貴會以學生要求開會。除少數學生代表在場外。並有一般流氓隨聲附和。意雜言龐。秩序紊亂。殊屬不成事體。查貴會常會當然不在禁止之列。惟聞此次開會。涉及政治問題。本廳有保護地方之責。誠恐有不逞之徒。混迹其間。藉端滋擾。不得不預爲防禁。除

布告通知暨派警彈壓外爲此函達貴會查照卽行停止開會以符功令而杜滋擾云）接次卽派該廳總務科長趙殿英警察長顧玉琛洪桂榮保安隊隊長馬毓林游巡第一隊隊長王德鴻第二隊隊長劉德魁各帶隊士數排勒令解散各校學生憤不可遏遂召集各校學生於南市一帶露天宣講大都根據天津急電請人民急起援助一切行動極守秩序不料徐廳長又遣其游巡保安等隊干涉驅散其時各宣講者婉言與商且向之哀告曰事本愛國然屬個人爾等固是身負責任者而同屬國民亦當有所憤慨何忍相阻爲一再懇之彼警士終不聽辨仍是不分皂白大施其虎威欲與步軍統領王懷慶比賽猛進衝散不特各宣講者大受其辱卽一般聽講者亦多遭其蹂躪此上海警士與學生之第一次奮鬪也於是學商兩界大憤各於

四日一律簽字閉市五日黎明各學生結隊先自南市十六鋪各水菓行前跪求閉市凡少不表同情者學生跪求不起一時感動商民遂全體罷市由南市而城內均罷市在六時之前七時過民國路而達法大馬路而公共租界而美租界而聞北日甫晌午偌大輝煌燦爛之黃浦灘一瞬而白旗紛飛如雪片家家皆關門閉戶矣華商營業最鉅者如英界南京路之新世界游藝場永安先施兩公司棋盤街之商務印書館中華書局法界之大世界游藝場城內之勸業場以及（天蟾）（丹桂）（大舞臺）（新舞臺）（亦舞臺）（共和舞臺）等平日在商界佔絕大勢力若市面發現特樣事各商多目若等進退爲進退也是日若等同時停業故街市鼓吹停業者異常憤慨時有城內之某鞋店苦辛經營數月方冀該日正式開張懸燈結彩灼然一新

且僱有清音一班準備行對我生財之禮貿然值此潮流中彼居停主人慨然自認一切損失卽隨衆實行關門大吉之禮矣其他營業至細者如洋貨攤雜貨攤水菓攤以及各路各界各弄堂之叫賣小熱昏者亦銷聲匿跡其營業至猥如娼妓迎春坊小花園一帶之長三者概行除牌停業烏師幫復組九成同義會結隊遍發傳單通告維持公理次如棋盤街之么二初尙不表同情欲攫一時魚目混珠之利嗣爲大勢所挾亦惟掩旗息鼓更次如英法兩界野妓小東門盆湯弄之爛污美人鴨綠江路之鹽水妹紛起救國凡平日來往街市聲聲（來哩）者咸作愛國之呼號而高坐門前唱送郎想郎之十盃酒五更裏者同唱愛國歌曲而一般（小癩三）亦同集於水門廳前作露天演說矣罷市既定首由各省商民同鄉會開緊急會議與學界

取同一行動次由學生聯合會願協助工部局保持和平秩序函致工部局其原文云（工部局會董披爾史君閣下現在學生罷課之後繼以商界罷市地方情形甚爲嚴重本會深願與工部局協力辦理一切蓋此次學生罷課乃對於敝國政府行爲憤激之表示其目的在造成一種輿論以爲收回青島確實之保障吾輩斷無侵犯外人之意但恐他人或藉此在租界上鼓起暴動吾人今已竭力警戒學生及平民保持平和及秩序甚願能有助於貴局也上海學生聯合會謹啟）接次由青年會同組汽車隊車上高樹（切勿暴動）之旗幟沿途警告而各學生同組糾察隊分道勸守秩序再次如省立第二師範全體童子軍維持南市秩序復旦大學及寰球學生會之童子軍維持各租界秩序一時商業雖停止交易而街市之秩序仍安謐如

恒也。午後有平民沈信卿、黃任之、朱叔源、朱少屏、四君同謁盧護軍使（永祥）要求速發陳述民意電。盧竟拒絕以（未便）二字復令步兵第三十八團馬團長調第二營全營分往老西門、沿民國路、經拱辰門、老北門等處。又由第三營全營分往十六舖及中華路之大東門、小東門、並民國路之新北門等處。又飭京畿憲兵一連吳連長督飭徐張二排排長率領憲兵三十名佩械乘騎分途監察。又令步兵三十七團陳團長督飭所部三營巡邏。聞北復飭軍署之兵士包圍日暉橋、南洋中學監視一般學生之行動。自由同時徐國樑大發虎威，即派保安馬巡隊分往小東門、小北門、開北等處解散各方之演說團。不果。徐遂御駕親征。初乘汽車至小東門一帶，大罵馬巡不力。曰：若輩一羣小學生，尙不能武力壓迫乎？脫遇盜賊，將奈何？遂怒責其巡。

警。以。示。威。最。後。親。自。捕。去。十。四。歲。與。十。六。歲。之。小。學。生。二。名。交。一。區。二。分。所。解。廳。管。押。開。北。四。區。二。分。所。亦。逮。捕。十。五。六。歲。小。學。生。三。人。徐。廳。長。欣。然。而。喜。曰。若。輩。第。二。次。義。和。團。不。以。威。力。挾。之。烏。可。排。紛。解。難。耶。復。諭。各。局。區。長。凡。所。有。未。曾。補。足。之。空。名。巡。警。二。日。內。全。體。補。足。各。處。添。派。雙。崗。又。請。派。兵。士。三。連。改。換。警。服。一。連。駐。第。一。區。一。連。駐。民。國。路。一。連。駐。開。北。加。派。偵。探。隊。調。查。罷。市。商。家。籌。備。壓。制。方。法。比。時。爲。各。校。學。生。知。悉。遂。團。結。五。百。餘。衆。同。往。一。區。二。分。所。請。求。釋。放。被。押。之。學。生。豈。知。益。增。彼。怒。干。涉。益。嚴。卽。向。某。巡。長。手。中。取。得。指。揮。刀。一。柄。不。分。皂。白。向。衆。亂。砍。立。派。保。安。隊。五。十。名。佐。以。攻。擊。其。狐。假。虎。威。之。巡。士。因。而。逮。捕。益。甚。聞。比。日。被。捕。之。學。生。有。澄。衷。中。學。六。人。華。童。公。學。四。人。南。洋。公。學。五。人。承。天。英。華。學。校。四。人。南。洋。中。學。八。人。（均

受重傷）省立第一商業學校二十二。人。東吳第二中學七。人。大同學院五。十。人。中華工業專門學校四。人。復旦大學六。人。浦東中學六。人。民立中學一。人。失蹤一。人。青年會中學八。人。民生女學一。人。復於南市禁賣報紙。其被逮者。尙不知數。未幾沈寶昌。又將刻板文章。威挾民潮矣。其布告云（爲布告事。近日上海學生籍口外交問題。紛紛罷課。迭經剴切曉諭。近復藉端聚衆。分赴各街。煽令各商店一律罷市。以致流氓匪類乘間搶毀。實屬逾越常軌。擾亂治安。現奉護軍使盧飭。派得力軍隊。分投巡防。彈壓嚴密。查拿爲首滋事之人。究辦一面。會同警察實力保護。爲此剴切佈告商民人等一體知悉。須知爾等經營商業。一日停頓。卽貽一日之損失。應卽迅速開門。照常貿易。毋得聽信謠言。自相紛擾。致受虧累。如再有人敢來滋鬧。卽鳴警拘究。解

散。以維秩序而安人心。是所至要。毋違切切。布告發表而後。徐國樑復帶同衛隊第一區警署署長趙墨林並羅楊二巡官分道迫令開市。無如商民一致堅持。咸以夥友均散。無人負責之語辭之。而徐等竟以槍柄亂擊店門。商民無已。隨即下其門板待其過後。又雙閉矣。徐等竟無如何。惟怏怏逡巡一周而去。時公共公廨之正會審官關炯之以和平之手腕親自出馬勸告商民開市。而商民一律抱定旋開旋閉之政策對之敷衍。關某見各人義憤異常激昂。知不可勸。遂中道而返。是日銀行錢莊雖未停業。然已在準備時間。當晚萬國駐滬商團一體戎裝出發。分防要道救火會西員亦各戒備。而街市遊人之秩序不紊。斯夕誠非若輩之功效。乃學生團白旗之魔力也。余直至夜十二時始返寓。街市中依然鎮靜。各維持秩序之童子軍皆灼灼有

神噫、誰謂中國之民氣不足恃哉。

六日晴、上海各界之民潮益漲、當第一日初行罷市也、猶有少數之煙紙店、從門板橫頭開一方尺小窟、間或售賣紙烟、洋火以及兌換銀洋等事、次日則無論大小商店皆閉門不納矣、尤特色者各商店門首舍張貼（切勿暴動）四字、更將其意譯成英文、遍貼街市、蓋對於外人表示我人民此次罷市之舉、決非暴動行爲者也、更加以（不除國賊不開門）（不除國賊不開市）等字樣、大街小巷幾至無家門首不張貼者、有時英捕因維持秩序之故、路見此類張貼、隨手扯去、庸知彼甫扯去而接次張貼者益盛、且於此類紙貼之下、以粉筆書曰（你扯我貼、你扯一張、我貼十紙）云云、英捕既見此等辦法、亦不勝其煩、惟見之俛首不顧而已、是日下午二時、則有商工學

報聯合大會發現。特於上海總商會開會。各界次第到會者。計一千四百七十三人。當時經各校童子軍維持秩序。嚴肅整齊。得未曾有。既因此次風潮。恐有少數人民不明個中之真象。而誤會肇釁者。遂宣言人民之主義。並相約共守之也。其文云：（中國乃國民之公產。政府爲人民之公僕。爲僕者賣主。以自肥。主人不加責斥。而請其稍加哀憐。勿爲過甚。吾商學工報各界蓋已羞稱之矣。吾商學工報各界以久亂思治。爲懷又念筦籟政權者。或非盡無良心。苟有同舟之誼。亦足成斡旋之功。故數年以來。對於喪權辱國諸約。一出以諫諍呼籲之辭。而政府未嘗一允。吾求也。自山東問題之惡耗。至全國鬱怒益痛心疾首。知賣國賊而不誅。決不能免於滅亡。對外挽回之策。尤非先清境內不可。於是北京學生倡之。各省學生繼之。奔走呼號。仍惟北京。

政。府。之。是。求。冀。其。萬。一。之。悟。乃。不。特。不。納。吾。救。亡。之。忠。告。且。濫。拘。無。辜。加。以。酷。刑。誰。非。國。人。誰。無。忠。義。忍。令。人。民。法。內。之。自。由。先。失。國。家。繼。是。以。滅。亡。耶。此。吾。商。工。學。報。諸。界。所。至。痛。極。奮。而。出。此。輟。業。之。最。後。策。也。今。商。已。罷。市。工。將。輟。作。與。學。生。一。致。進。行。存。亡。危。急。之。頃。實。賴。兄。弟。同。聲。之。應。(一)國。賊。一。日。不。誅。輟。業。行。爲。一。日。不。停。止。(二)純。粹。爲。對。內。的。行。爲。對。外。概。守。相。當。的。敬。禮。與。友。誼。(三)尊。重。市。場。秩。序。力。護。法。律。內。之。自。由。(四)輟。業。不。效。則。更。求。多。數。之。應。援。待。公。道。之。裁。判。上。述。四。事。爲。吾。人。公。意。切。實。之。聲。明。生。死。折。磨。所。不。敢。渝。願。吾。患。難。相。共。之。君。子。鑒。察。而。扶。助。之。也。又。對。於。外。邦。之。宣。言。一。通。其。文。云。(吾。人。以。北。京。政。府。歷。年。以。來。所。爲。違。反。國。民。公。意。損。失。民。國。主。權。之。行。爲。其。結。果。將。阻。滯。中。國。人。民。之。進。步。障。礙。遠。東。之。永。久。和。平。故。

屢以文電哀籲求其反省取消喪失主權之不正當條約懲辦應負責任之外交及軍事當局而政府怙惡不悛於中國今日危險最甚之時期違反民主國常規威壓國民奪其集會結社言論之自由拘禁殺戮愛國之青年庇護應負責賣國責任之官吏上海中國商民全體認此爲政府故意與國民宣戰非可以口舌喻已於昨日起一律罷市以示國民反對政府賣國行爲之決心若政府尙不悔悟容納國民要求當更進行於此取有力合理的行動此乃中國人民最和平最正當之愛國他表示決不損及在中國之外僑事通告各友邦國民深望各友邦國民對於吾人困苦之境遇及不得已苦衷加以諒解尤冀爲扶持正義與吾人以精神的援助也此佈）其次而致北京以及各省通電不遑備述因大意相等埒也比時各界同鄉會深恐人雜

肇○釁○除○分○發○傳○單○以○及○各○學○生○或○手○執○白○旗○或○臂○纏○白○布○表○示○（○切○勿○暴○動○）
四○字○外○復○遍○刊○頭○等○廣○告○哀○懇○（○切○勿○暴○動○）云云其秩序尤齊整者如商
務○中○華○兩○書○局○永○安○先○施○兩○公○司○上○下○職○員○夥○計○按○日○仍○各○執○其○事○不○令○閒
遊○街○市○中○所○停○業○者○僅○不○作○門○市○之○營○業○而○已○於○是○各○業○局○面○少○大○者○多○仿
行○之○而○街○頭○之○閒○人○遊○玩○者○較○之○第○一○日○少○減○各○學○校○亦○多○做○行○由○學○生○聯
合○會○通○告○各○校○學○生○各○回○本○校○是○日○各○界○維○持○秩○序○之○童○子○軍○亦○均○撤○去○僅
餘○少○數○之○學○生○游○行○演○說○耳○而○民○潮○之○勢○力○擴○張○比○較○昨○日○迥○異○遠○境○如○漢
口○南○京○杭○州○蘇○州○松○江○寧○波○等○處○亦○有○相○繼○罷○市○之○耗○近○境○如○浦○東○江○灣○閔
行○各○鄉○鎮○已○實○行○停○業○而○本○埠○人○民○其○在○商○學○兩○界○之○外○工○業○亦○將○繼○起○其
他○伶○界○如○馮○子○和○張○月○亭○等○女○伶○如○小○金○鈴○小○桂○紅○小○月○紅○等○妓○界○如○笑○意

妙蓮等均奮袂組織救國十人團雖未必有實力相助亦足見民氣之澎漲已達沸點矣未幾商會復佈維持貧民日食之通告凡關於一切飲食之飯店麵館乃勞動者日食之機關概可自由營業而大都本諸良心上之感觸開市者綦尠各小菜場除青菜豆腐之外鷄鴨牛羊諸品皆無從購辦也午後二時江蘇實業廳長張軼歐奉齊省長命蒞滬邀集南北商會董事蘇筠、尙虞、洽、卿、謝、蘅、牕、勞、敬、修、姚、柴、若、紫、更有本埠銀行團之代表如（中國）宋漢章（興業）盛竹書（中孚）陳光孚（鹽業）倪遠甫暨總商會會董王鞠如、盛筱珊等磋商開市事件直達鐘鳴五點散會而終未獲得結果也沈寶昌、見張軼歐奉命蒞滬與各商人委婉籌議於是以平日之怒目金剛頓變做笑臉彌勒亦與各商敷衍盧護軍使本不知所謂維持者圍困學校如故禁

止游說如故其所最熱鬧而與人民仇讐者惟徐廳長也徐於昨日大擺虎威之後觸動衆怒如邑廟中小本經營者多忿恨之當日多於其雜貨攤上密插（徐國樑專制人民）字樣突爲徐國樑所見遂大捕一切負販者當卽捕去三人激動公憤羣起與爭一時磚石瓦塊漫天飛舞竟將彼一區二分所之玻璃窗櫺擊打粉碎徐見勢不敵遂將所拘者釋放其亂卽靖而徐懷此一腔奇憤無可發洩遂痛責逮捕未釋之學生曰若非爾等搗亂何至使我丟人持其無情之棒捶無算捶竟復將各學生兩手反綁視若巨盜時有某科長從旁勸之徐怒贈其仙人掌曰爾不受其唾罵爾自做好人爾獨不知若輩胡鬧我不堪耶後盧永祥令其釋放學生徐遂無已令其親信者從旁同演一齣下臺戲做好做歹始解棘圍是日最足使外交團驚恐者各

銀行錢莊已停止划條稅餉單本票等事營業前途頓增危險故邀集會議於南京路議事廳電請駐京公使團與政府正式交涉一面嚴加防範恐街市中突生意外之變也實則今夕各界之現象較之昨夕尤安謐也

七日晴盧永祥對於城內一帶罷市風潮特下秘密戒嚴令工界自商務印書館印刷部同盟罷工後而繼起者紛紛蠶起如華界之電車已一律停駛法界亦減少半數僅公共租界開駛如恒而掌機者亦多垂氣作不歡狀不似平日披着外國老虎皮而眉飛色舞矣聞華界電車最初之罷工焉原未有一定堅決之主張不過於執事之時多於眉目之間各表示一種懊惱之態嗣經若干學生要求停駛間有橫臥軌道中以生命與抗者一時人心大感動遂同盟罷工法界所以不能完全罷工者多因外交上恐別生誤會故

耳○然○公○共○租○界○之○電○車○司○機○人○亦○多○數○請○假○也○斯○時○各○方○工○界○罷○工○之○風○將○發○軼○則○惹○起○一○般○外○交○團○注○意○公○共○租○界○尤○爲○吃○緊○遂○一○再○宣○布○通○告○干○涉○游○行○演○說○之○學○生○並○散○佈○傳○單○之○公○民○接○次○派○出○若○干○輕○騎○巡○隊○駕○平○日○接○電○車○路○線○之○汽○車○沿○途○收○拾○各○店○家○所○懸○之○旂○幟○迨○至○四○馬○路○丹○桂○第○一○臺○門○首○突○有○三○五○學○生○登○車○與○爭○西○巡○出○槍○恐○嚇○學○生○不○少○退○而○游○人○益○聚○益○盛○西○巡○睹○其○志○不○可○折○遂○以○好○言○慰○之○終○不○能○遵○其○制○一○時○人○民○鼎○沸○幾○欲○與○抗○後○經○各○校○學○生○婉○勸○始○行○紛○散○然○以○余○管○見○判○之○彼○外○交○團○所○以○若○是○干○涉○者○誠○有○不○得○已○之○苦○衷○在○也○原○因○最○重○者○吾○人○民○平○日○對○於○國○家○思○想○薄○弱○昔○對○之○若○秦○人○視○越○人○肥○瘠○膜○不○相○關○者○多○卽○有○一○兩○次○呼○聲○亦○多○陷○於○泡○影○而○增○彼○五○分○鐘○之○誚○故○此○次○非○反○對○吾○等○之○舉○動○乃○懼○吾○等○蹈○覆○轍

耳。且。於。罷。市。之。第。三。日。確。有。許。多。某。國。之。浪。人。易。裝。沿。街。尋。釁。者。魚。目。混。珠。恐。惹。出。意。外。之。外。交。危。險。不。得。不。加。以。預。防。也。實。則。外。邦。此。次。對。吾。人。民。之。輿。論。罕。弗。加。充。滿。之。美。譽。如。英。文。滬。報。云。此。次。學。生。罷。課。商。界。罷。市。爲。中。國。人。民。自。然。之。民。主。的。表。示。其。領。導。之。者。非。官。吏。非。曾。受。外。國。訓。練。之。政。客。乃。中。國。學。生。也。夫。爲。此。次。行。動。之。領。袖。者。乃。一。班。青。年。學。生。外。人。於。此。或。未。能。完。全。表。示。同。情。然。若。中。國。人。民。則。雖。最。守。舊。商。人。亦。皆。以。學。生。爲。英。雄。彼。等。已。於。無。可。希。望。之。形。勢。中。起。而。實。行。國。方。流。血。求。學。何。爲。之。呼。聲。已。一。變。而。爲。國。賊。未。除。賺。錢。何。爲。工。作。何。爲。矣。彼。等。之。背。後。現。有。銀。行。家。商。人。實。業。家。教。育。家。無。老。無。少。無。男。無。女。悉。爲。之。後。盾。全。國。今。日。已。關。節。靈。通。矣。大。陸。報。亦。云。吾。人。嘗。痛。詆。華。人。屈。服。於。賣。國。腐。敗。官。僚。權。力。之。下。不。知。振。作。而。彼。等。

一。旦。用。惟。一。之。方。法。以。反。抗。此。等。官。僚。吾。人。不。可。以。詆。之。也。吾。人。須。知。罷。市。或。停。止。營。業。到。底。爲。最。和。平。之。反。抗。方。法。他。國。人。民。之。反。抗。法。猶。有。劇。烈。遠。過。於。此。者。去。年。日。本。人。民。之。鬧。米。風。潮。其。行。動。如。何。其。他。各。國。發。生。公。共。風。潮。時。其。人。民。之。舉。動。如。何。皆。吾。人。所。知。也。而。華。人。此。次。之。行。爲。則。迄。今。甚。和。平。倘。中。外。領。袖。人。物。能。處。置。得。當。必。能。繼。續。保。此。和。平。態。度。彼。華。人。領。袖。固。已。竭。力。從。事。於。維。持。治。安。以。保。此。合。法。之。示。威。運。動。吾。外。人。應。協。助。之。擁。護。之。也。中。法。新。彙。報。一。則。曰。不。宜。加。壓。力。於。此。羣。衆。之。運。動。再。則。曰。始。終。保。全。有。秩。序。之。行。爲。且。曰。吾。人。可。信。中。國。今。日。之。時。局。當。收。結。果。於。此。足。徵。外。人。對。於。此。次。風。潮。已。公。認。爲。正。當。行。動。世。界。無。敵。之。利。器。惟。公。理。也。彼。時。國。民。大。會。既。得。公。廨。干。涉。懸。掛。旗。幟。之。消。息。急。舉。代。表。晤。美。國。領。事。薩。門。司。薩。云。

此○事○須○與○總○巡○捕○房○接○洽○遂○介○紹○工○部○局○總○巡○麥○君○適○麥○君○他○往○即○與○其○參○
 謀○阿○姆○司○德○朗○君○談○話○詳○細○述○明○此○次○之○原○因○並○擔○負○一○切○維○持○秩○序○阿○君○
 亦○表○同○情○復○謁○法○領○事○而○法○領○事○亦○無○異○說○於○是○凡○租○界○之○警○士○一○律○解○除○
 武○裝○不○再○干○涉○行○動○學○生○聯○合○會○亦○加○隊○巡○防○而○是○日○發○現○一○種○特○別○之○異○
 彩○爲○前○二○日○所○罕○見○者○凡○愛○國○之○學○士○皆○頭○戴○白○布○之○軟○胎○帽○形○勢○如○清○華○
 大○學○之○球○帽○聞○皆○出○諸○一○般○女○學○生○手○製○蓋○愛○國○之○標○式○也○大○街○小○巷○凡○目○
 光○之○所○觸○者○芸○芸○不○知○其○數○接○次○各○租○界○之○商○店○亦○起○而○聯○絡○共○組○商○業○一○
 德○會○准○備○晚○間○出○發○分○段○保○守○秩○序○接○次○各○商○店○分○段○組○織○休○息○所○各○派○招○
 待○以○及○茶○點○蓋○爲○商○學○游○行○之○士○而○設○者○一○時○白○盔○白○幟○佈○滿○街○市○而○往○來○
 之○游○人○秩○序○尤○覺○嚴○肅○余○睹○此○狀○頓○有○所○感○嗟○夫○彼○代○表○民○意○之○白○幟○尊○嚴○

加於克虜伯大礮不啻數千萬倍。今而後吾知彼神聖不可侵犯之軍人在今日公理奮鬪時代直是一廢物也。下午工界罷工之說益盛。初由求新機器廠司事工人全體罷工遊行街市中表示其執忱。並擬捐納鉅資於該廠街口建造一鐵木牌樓。高約六丈寬約五丈。牌樓上書（毋忘國恥）（喚醒國民）等字樣。每字擬做三尺平方之巨作。永久之紀念物也。由此各廠得此消息。未有不樂助者。當此民潮鼎沸之中。彼恃武力爲護符者。又受一絕大之打擊。盧護軍使之軍署中。突然接得一種印刷品。其間乃勸告軍警萬勿專事服從長官。命令忘却國民義務。須與學生取一致態度云云。盧永祥驟得此耗。遂知武力不足以專制矣。卽易其平日大將威嚴之態度。一面特別戒嚴。一面親至南商會。召集紳商學界。特開緊急會議。一時蒞會者如省

教育會沈信卿等。縣教育會賈季英等。公款公產經理處丁賡堯等。商界虞洽卿等各公團代表鄒靜齋等。共七十餘人。官場如盧徐沈三人以外。尚有護軍使署參謀長馬懋勛。副官長孫梓琴。滬南工巡捐局長姚石蓀。滬北工巡捐局長曹履冰。交涉公署代表陳震東。警察第一署長趙墨林。官吏則高坐堂中。兵警則包圍塔下。一時弓止弦刀出鞘。凜凜森嚴。如金沙灘之兩國聚會者。首由沈蘊石（寶昌）宣佈其官吏苦衷。無非自白之意。次由盧子嘉（永祥）演說曰：鄙人亦國民一份子。愛國之誠。不讓諸君。第官守所系。有維持治安之責。今日特請諸君相助勸導。商家速即開市。學生即日上課。至於要求罷免曹陸章諸君。如果先行開市。政府必能辦到。即本使亦可擔保。云云。時如官吏派之商董虞洽卿等。將欲行其照例之拍手禮。詎知徐輔

洲（國樑）狂詈學生混賬牽及商人一旁怒惱沈信卿挺身抗議曰徐廳長頃有謾罵之言鄙人竊所不解鄙人亦曾作官稍知官場體制今日有軍使在前廳長就敢大肆咆哮自己不守秩序何能責人維持秩序此次學生罷課其動機實爲廳長之毆辱學生商人罷市其動機亦爲廳長毆打小東門小販廳長當自責何能責人昨日廳長又發虎威逮捕學生毒打誰無子女乃忍出此嗣後尙望廳長稍改任意打人之習慣以重人命云云徐聞之紅漲兩頰起立強辯曰沈先生之言略有誤會鄙人素性粗鹵昨日確曾打一流氓惟此人爲理髮匠並非學生亦非商人君若不信可令警察質證云實則徐前日所毆確爲學生乃第一商業學校學生阮勤若非軍署某副官從旁解勸徐將以手槍斃之矣衆見互辯不能下台遂以他言亂之始行散

會。迨諸官吏去後。復於天后宮橋總商會開各界聯合會。到會者計二千餘人。最後之結果。仍公決先懲辦曹陸章。而後開市。上課。盧永祥亦無如何。惟向中央呼籲。中央已派楊晟南來調和辦理。是日鎮江揚州已相繼罷市。未知此次圓滑神手之楊晟南來調解。恐其三寸不爛之舌。翻得未必是朵朵蓮花也。

八日晴。余素懶。平日有宰予之癖。日必睡至亭午。惟近數日間。腦中爲新空氣所播動。幾至不克安枕。清晨七時已離榻。甫盥沐畢。忽聞街頭朗朗作賣報聲。余急止之。購買一份。以佐我晨餐。甫展覽。卽睹中法新彙報之社論。題爲（罷業風潮前途）。環誦數周。不啻於炎日之下。暢飲一盞冰。忌淋其一股清涼之氣。自踵直達泥丸宮。幾不自知。若何舒適。不忍棄擲。爰錄之。亦足

見公論之一斑也。其文云：（爲反對親日黨罷學罷市之風潮以迅速之勢發展從此數日之後全中國將一致北京之商界雖在軍警監視之下不免亦將加入自有中國以來未曾見人民之如是憤怒政府一九一一年及一九一五年人民怨恨滿清及袁世凱曾達極點然未罷業也以是證之現今之政府更惡於往昔矣北京及武昌軍閥待遇學生如盜賊有一千一百五十人被捕內有百餘人被槍柄及刺刀等擊傷並且命令軍警凡有學生反抗軍警及人民中之搖動學生者可格殺之此種暴行無論何國皆無只有高麗學生曾受日本軍警如是待遇中國人自問應否反對北京如高麗人之反對日本政府耶中國人民對於現今之統治者已絕望欲求政府覺悟譬之命日不光指地不轉豈可能耶中國人民所要求者乃新政府出現對

內能保護人民對外能光榮的代表於各國民之前歐美各國當認現在之北京政府如同一九零零年之滿清十九世紀之末滿洲人扶助拳匪擾亂平和現在某黨不得人民之承認而自僭爲中國之主體既擾亂極東之和平又與某國勾結籌備未來之世界戰爭各國如不忍見亂象及此次罷業之經久以致中外人加受痛苦當幫助中國人民排除賣國的親日黨之在北京及在他方者也）五人讀之應感其記者之直言終始不渝方不負其期望之意也午後復往成都路訪友突聞城內南市斷絕交通各學校校長下緊急通告令學生避居租界謂今日學校將由軍警包圍且派軍隊二千○人勒令商界開市云余聞此說大異回想盧永祥昨日開會之演說辭彼決不敢若是大胆或者官吏之變態萬端令人不可測度歟抑楊晟南來大施

其調和手段歟。卒莫能得其真象。後探之。乃知是道路之謠。或者盧永祥有此意也。既得此種謠傳之後。突又得一種至可驚駭之消息。一般知識薄弱之游民相傳。日本人於自來水管中暗放毒藥。或於露天茶缸及菜場之小菜擔中暗置毒藥。且有謂於我國自製之人丹。彼間或掉換毒丸。紛紛衆口言之。頗真。一時婦女聞之。咸大恐怖。然余對於此等問題。不願承認其真有事實也。須知此次之根本問題。我人仇敵。乃一般不肖之官吏風潮發動。完全對內的。非對外的。前三日已經各界一再申明。余亦曾述於前文。日人之氣量固較他邦人士狡小。然此等無標準之事。彼輩必不願爲。同時聞城內之白幟間有被其買動。苦力私行竊取者。又聞彼等三五成羣。故意向黃包車夫尋釁。如此等事。余則深信其必有何故。因竊取白布旂幟者。因其幟上

字。樣。與。彼。有。關。彼。既。沒。有。大。家。氣。量。又。不。能。張。明。禁。止。遂。硜。硜。然。欲。竊。取。罄。盡。爲。快。至。於。與。車。夫。尋。釁。事。乃。彼。夥。之。浪。人。而。不。明。白。今。日。世。界。之。真。象。頭。腦。中。惟。有。神。聖。不。可。侵。犯。之。天。皇。於。是。犧。牲。性。命。尋。我。國。知。識。薄。弱。之。人。民。奮。鬪。藉。開。外。交。之。端。所。以。易。裝。而。尋。釁。者。恃。醉。而。逞。凶。者。皆。必。有。之。事。因。其。目的。在。未。來。之。外。交。以。及。中。央。政。府。耳。若。謂。彼。等。對。於。我。國。人。民。其。早。堅。持。跋。扈。之。見。鄙。視。之。若。陳。死。人。脫。非。不。操。此。政。策。必。不。專。恃。武。力。一。味。與。我。中。央。政。府。交。涉。矣。況。人。民。之。公。意。乃。廣。義。的。並。無。一。定。之。目的。芸。芸。衆。生。彼。不。勝。其。陷。害。加。以。上。海。一。隅。乃。諸。外。邦。通。商。之。域。一。切。公。共。之。食。物。且。有。外。交。團。嚴。重。監。視。之。者。彼。必。不。敢。冒。大。不。韙。干。犯。衆。怒。余。此。論。非。謂。彼。有。保。守。公。益。之。道。德。蓋。謂。彼。決。不。作。此。茫。無。涯。涘。之。蠢。事。也。或。有。三。五。浪。人。故。作。驚。人。

之。狀。蓋。其。意。欲。擾。亂。秩。序。藉。第。三。者。之。力。以。干。涉。耳。吾。人。若。信。爲。眞。正。實。中。其。詭。謀。之。策。余。深。願。人。民。加。以。鎮。靜。爲。當。也。是。日。湖。北。王。占。元。繼。北。京。王。懷。慶。之。後。大。捕。學。生。其。佈。告。中。並。有。格。殺。勿。論。之。語。於。是。上。海。之。民。潮。益。漲。人。民。罷。市。益。盛。而。官。吏。之。戒。備。益。嚴。如。南。市。城。內。開。北。平。民。往。來。幾。不。能。自。由。進。退。而。街。市。停。業。之。風。加。厲。各。錢。莊。已。實。行。停。解。莊。票。卽。小。洋。之。兌。換。亦。實。行。停。止。並。擬。抵。制。交。通。紙。幣。其。謂。曹。汝。霖。之。關。係。也。雖。現。狀。若。是。而。秩。序。井。然。接。踵。者。如。銅。鐵。機。器。工。匠。印。刷。工。匠。各。輪。船。執。事。者。以。及。清。潔。夫。役。相。率。罷。工。游。行。街。市。而。電。燈。公。司。自。來。水。公。司。郵。差。販。賣。小。菜。者。等。等。亦。將。准。備。嗣。經。各。界。出。而。婉。勸。謂。諸。業。皆。日。用。之。必。須。品。不。可。片。刻。間。斷。者。遂。作。緩。圖。而。滬。寧。滬。杭。兩。線。之。火。車。已。切。實。准。備。停。駛。矣。而。各。界。遊。行。隊。之。秩。序。則。異。

常○齊○整○其○組○織○招○待○休○息○所○益○夥○如○新○世○界○昇○平○樓○青○蓮○閣○羣○芳○冠○芳○五○芳○
齋○明○明○眼○鏡○公○司○匯○通○電○燈○公○司○發○起○之○後○相○繼○者○不○下○數○十○處○其○地○方○遼○
闊○或○人○數○衆○多○之○處○則○用○木○箱○滿○載○茶○點○汽○水○水○菓○各○物○二○三○學○生○押○令○扛○
夫○肩○荷○而○行○隨○地○應○接○尤○妙○者○各○學○生○押○令○各○食○物○行○至○民○國○路○南○市○法○華○
交○界○等○處○見○各○兵○士○荷○槍○守○備○遂○特○製○頭○號○饅○頭○數○百○枚○以○饗○各○兵○士○曰○諸○
君○如○此○熱○忱○幫○同○救○國○無○以○爲○敬○特○備○粗○點○饗○之○也○若○輩○兵○士○頰○頓○飛○紅○堅○
不○肯○受○或○曰○何○不○直○行○享○受○一○撻○飢○腸○余○曰○惟○其○頰○上○飛○紅○始○不○敢○直○行○享○
受○更○有○一○說○聞○日○前○童○子○軍○過○民○國○路○曾○向○若○輩○行○禮○若○輩○竟○不○答○覆○惟○其○
不○知○此○等○之○敬○愛○故○不○敢○直○受○今○日○之○饅○頭○且○不○知○以○諸○學○生○之○志○爲○志○余○
以○爲○損○失○一○餐○口○福○猶○其○小○焉○者○也○

九日晴。午後大雨如注。晚霽氣候殊惡。寒燠不適度也。而商學兩界之保安遊行隊依舊往來於炎日驟雨之下不少休憩。間有軀格恭弱者爲氣候所侵。頓染痧疫者綦夥。斯時吳淞鎮已相繼罷市。而吳淞之同濟醫工學校特派四十餘人普散藥品及臨時診治時疫。同時又派二十餘人赴江灣四十餘人至滬。各租界普渡慈航。一時受其惠者誠匪鮮也。一時城內之商人以及各校女學生因各租界休息所發現而各書商則共組書業同人恭送涼茶團特製一面大白旗導於前。昇擔者多十餘齡童子雖滿面汗流而笑容可掬。更有一般女學生約數十人各持白沙枇杷一巨簍雲集城內之街市中。以饗商學保安者。午後雖大雨傾盆亦不少退噫。其心之熱其志之堅概可見矣。同日南京警察廳長王桂林亦大捕學生。燕有王懷慶鄂有王占元。

今更加以南京之王桂林洵可稱王氏三虎噫何王氏之不幸哉寧波已實行抗稅而一時上海之民潮又因之益漲學界如各校教員擬繼學生而起女子亦組織社會服務社各洋行辦事諸華人大多休業航業水工已實行罷工汽車司機人亦各袖手午後三時國民大會幹事部復開談話會於卡爾登蒞會者約三百餘人朱麇石等議決不納賦稅以及停止各商認稅而散而各領事團因罷課罷市之後政府並無若何之表示深恐工界繼起秩序不能安全故急電英國某兵艦司令開駛來滬協同維持市面接次干涉學生聯合會及各界商學之保安隊與分散傳單露天演說者一時各租界之景色頓變人心惶惶而秩序猶不及前兩日嚴肅也余又聞昨夜十一時間有某國人喬扮吾國學生手持利刀希圖擾亂秩序行經密勒路南金里

弄內爲三六四號之居人王阿田識破彼則惱羞成怒糾同類六七人持刀行凶傷王眼角及股際王大呼救由中西各捕將王送至同仁醫院並獲行凶者三人及凶器解送該國之領事公署訊辦矣同時亦有袖藏鐵鑽之某國人於虹口三角場搗亂亦經中西巡捕所獲若輩之伎倆亦太可憐然余終以爲是一般浪人之舉動而各租界所以二次戒備未始非若輩妄動之因故余對於外交團之戒備否認與吾人民生惡感也余更述護軍使之態度因昨夜又接國務院之如有紊亂秩序者應依軍法懲辦之電復率參謀馬懋勛副官長孫梓琴副官李翰卿淞滬警察廳長徐國樑知事沈寶昌等親赴城廂內外各街道勸導開市且分六路進行（一）大東門馬參謀懋勛徐廳長國樑任之（二）海神廟至滬軍營馬路沈知事寶昌及警廳司法科

長劉春圃任之。(二)民國路孫副官長梓琴任之。(三)小東門至西門軍署副官李翰卿警廳總務科長趙殿英任之。(四)十六鋪第十師李參謀長警廳督察長張竹生任之。(五)高昌廟軍署何參謀任之。並由第十師各團抽派陸軍十連計六百人。又警廳騎巡隊二隊保安隊一隊遊巡隊一隊連同各區警察計三百人。清晨五時出發分途進行。直至中午十二時返署。終不如勸於是外交神手楊晟出馬矣。楊晟復與商界之聲望最高尙密議。又欲仗其統制之魔力以解此圍。而不知商界現狀身望愈高者其信用愈薄。公理所在非少數人可以挾之也。未幾總商會突發一勸衆開市之通告。其文之妙可與佳日之電文相頡頏也。其文云：(本埠各商店因請求政府釋放學生罷黜曹陸章諸人一致罷市。今學生已釋放。教育部齊電各生均回校。

漸復原狀。至曹陸章諸人罷免已蒙護軍使及護滬海道尹擔任負責。急電政府照辦。本日午前會議公決。學生已經釋放免職一事。由護軍及護滬海道尹擔任負責。必達要求目的。若金融停滯。工界休業。長此以往。危險不可思議。商會有維持之責。不得不通告勸導。各商界及工界於本月舊曆十三日先行開市。照常工作。特此佈告。各商界視之。咸嗤以鼻。而停業仍如故也。

十日晴。天津、濟南已相繼罷市。而國民大會會議亦實行抗稅矣。斯時商學人士對於中央政府要求之意見各不相同。有主張對於歐戰和會中不達外交上圓滿之目的。不許簽字者。有主張要求南北統一者。有主張追還二十一條及各路之路權。青島土地權者。更有主張趁此潮流倒徐倒段驅逐

安福魚行之臭魚重組新政府者紛紛不一。然最多數要求之目的即在釋放學生。罷除曹陸章三人者。斯非若輩不能猛進。不可竊笑其熱度不滿五分鐘。蓋因彼學生之寸金光陰。各商界之小本營業。實難再牽延。若並此兩條不能達其目的。惟破釜沉舟。挺而走險。若少有轉圜之路。彼等亦願順勢收篷。爲來日留有餘地步。斯乃不得已之苦衷。余亦深悉其艱難也。今北京各校學生確已次第釋放。而所爭者僅一罷黜曹陸章之命令耳。實則此時曹汝霖、陸宗輿、章宗祥等皆陸續進呈辭職書。徐大總統之准其辭職令亦頒發。所以遲遲未能達滬。乃水陸電線無端皆毀。中途停滯之也。及該電到滬。而上海各報業已發行無已。遂遍發傳單佈告。各界人士苦於人民對今日官吏之信用太薄弱。一任其雪片飛來。終日之曰折白輪航。依舊斷絕。火

車○依○舊○停○駛○於○是○張○軼○歐○又○來○滬○勸○導○楊○小○川○又○欲○施○其○勒○令○手○段○矣○而○各○租○界○之○巡○捕○房○又○將○有○強○迫○開○市○之○說○於○是○商○界○人○士○紛○集○會○議○如○南○京○路○各○大○商○家○約○一○百○五○十○餘○戶○午○後○聚○於○貴○州○路○報○本○堂○計○議○堅○持○辦○法○最○後○遂○議○定○以○（○召○盤○）○（○清○理○賬○目○）○（○閉○歇○）○等○方○法○抵○制○之○會○散○而○後○則○各○家○門○板○之○上○平○日○張○貼○之○（○不○除○國○賊○不○開○門○）○（○不○除○國○賊○不○開○市○）○等○字○樣○一○變○而○皆○貼○紅○紙○小○籤○條○（○召○盤○）○（○清○理○賬○目○）○（○閉○歇○）○等○等○矣○當○其○會○議○之○後○焉○間○有○少○數○店○主○歸○店○佯○促○其○夥○友○開○張○夥○友○堅○持○不○可○其○店○主○佯○曰○然○則○各○人○之○薪○俸○伙○食○奈○何○衆○願○於○停○業○期○內○扣○除○薪○俸○償○還○伙○食○於○是○店○主○佳○其○志○不○可○奪○一○笑○而○明○言○之○由○是○各○商○停○業○之○心○益○堅○定○按○上○海○罷○市○於○今○已○過○六○日○若○從○外○部○觀○之○舍○少○數○一○二○某○國○之○浪○人○與○車○夫○小○販○過○往○之○

平民尋釁外其他皆安靜如恒日若於內部論之則是日異常危險因各租界之工作人等概行停業僅有公共租界之電車開駛以及日日覓食之黃包車夫往還街市中然大都垂頭喪氣若似不耐煩者而各機關因之停滯週轉不靈尤險者德律風工人於今晨全體罷工市面消息頓爲所阻無已惟以西洋婦女十數人暫行相助接線苦其太無經驗以致一場糊塗一時各行政機關異常憂慮最後仍由商學各界婉勸之該工人始恢復原狀用時如恒日也當晚有數小學校之學生未諳工部局干涉游行之布告仍如前日執旗游行迨至黃浦灘爲巡捕所阻並強收其旗幟其時學生之年長者並不與抗而年幼者間與之爭彼巡捕亂擊各學生遂退走四散後聚一部份者轉入江西路又與巡隊相遇時各學生索其旗幟與諸巡隊和平交

涉一時觀者如堵而諸學生悄然行於街右觀者排於街左秩序並不少亂未幾突有特別西捕一排自福州路橫衝而來誤會有何等暴動遂以手杖槍柄大打其出手一時大亂而學生隊又遭冲散且有一二人少受微傷者消息忽傳至四川路橋及武昌路轉角等處立聚多人驚詢其狀而冲散之學生途過其地者猶竭力勸其散走維持秩序如恒彼時爲西捕所見莫不肅然起敬也時有字林西報載西人容忍投函云（吾人接近上海華人之愛國運動者憶及英倫當歐戰開始之時亦有若干之事情與感情十分相似故吾外人應設身處地爲華人一想卽能以較公平及較容忍之態度對待之也當英國開始封鎖德國時各中立國恒起而抗議謂有礙彼等之海權及合法貿易英人則以堅決而委婉之口吻答之曰英國爲生死關頭迫

於時勢不得不出此舉。彼時全國英人對於各中立國之抗議視爲不解了。吾等之不得已十分不平。吾等當時在國內者今猶憶之。然此種情形移至東方吾人轉處於遭變不便者之地位則態度即陡變何也。愛國華人目今之運動無非欲驅逐政府中之不良者。夫人民起而抗專制殆爲吾盎格魯撒克遜人種最寶貴之主義。而今日吾人顯然因在租界中稍受不便即不許此主義行諸中國抑又何耶。夫使吾人當自己緊急之時不克顧及中立國之不便且以彼等之抗議而生怨憾則對於華人之同一境地何以不能了解之乎。彼華人即怨憾吾人又何足怪乎。即使吾人不能完全贊同華人所使用之方法。然華人此次之事本全爲對其國內之武力主義而奮鬪。與外人無涉。吾人豈不可諒之者。吾盎格魯撒克遜人種素以愛公平正義見稱。

吾甚望此種精神多所表見。勿因偶乏牛肉裹服，卽蔑視一種高尚之奮鬪也。余誦斯文，始知世界尙有直言者，足徵公理二字，乃萬世不泯之器也。十一日晴，各報傳來而額頭特刊數行大字，則准其曹汝霖、陸宗輿、章宗祥辭職之令發表矣。於是農商部之電、江蘇督軍省長之電、護軍使、淞滬警廳、淞滬道尹、上海縣等之布告，以及上海總商會、縣商會、江蘇省教育會、上海縣教育會之通佈次第頒佈，大致勸導開市開課等語。而國民大會以及全國上海兩學生聯合會暨各種民組之團體，接次開會研究進一步之要求。嗣因顧全商家數日之損失，不得不權作一段落告終也。因而各省大埠及各鄉村鎮均於是日開市，輪航火車各工廠工人亦恢復原狀。各租界之工商亦相率營業。惟各學校之學生因迫於暑假多未開課，至今國民大會全

國上海兩學生聯合會暨各民組團體概未解散也。午後商工學界復齊集公共體育場結隊游行城內及南市每蒞一商店彼店夥大燃爆竹歡迎。然後開市洵亘古未見之盛舉。其惡作劇者午後四時公共租界之鄭家木橋因游民與西捕互相誤會大起冲突一時各商大驚羣復停業又陷於黯無天日之象。直至次日始全體開市。斯乃風聲鶴唳之餘波。非關於正文。余記亦從略也。總之此次民潮七日之中完全是商工農學之人士以公理與強權奮鬪之舉。未羸雜纖毫。南北政爭之臭味對於日本人刻刻加以嚴重保護。未興起無意識之外交。而一切行動且守人格上正當之秩序。如花花世界之黃浦灘。平日盜火時見。而此七日之中不見一次火警。各租界之間誠有夜不閉戶。路不失遺之象。斯爲余記此七日民潮至圓滿之美感也。然

美。中。亦。有。不。足。者。如。少。數。之。奸。商。趁。此。潮。流。暗。獲。投。機。之。利。或。以。國。貨。抬。價。或。爲。反。對。者。之。濟。或。以。賤。價。收。我。人。反。對。之。貨。品。種。種。違。背。公。約。余。不。忍。詳。於。正。文。雖。屬。少。數。而。其。所。得。不。償。所。失。究。非。我。高。尙。人。民。之。所。宜。也。又。如。一。般。熱。心。者。禁。止。各。菜。市。諸。貨。品。販。賣。不。聽。則。以。火。油。灌。之。或。毆。擊。之。對。於。反。對。者。之。貨。物。必。加。以。一。烏。龜。一。王。八。一。字。樣。高。懸。街。市。中。雖。屬。熱。心。不。可。菲。薄。於。彼。但。對。於。社。會。道。德。似。少。欠。缺。要。知。此。次。民。潮。乃。吾。人。萬。世。不。泯。之。榮。點。不。可。作。此。等。小。量。事。而。使。平。日。之。小。量。者。反。譏。我。也。尤。足。駭。人。聽。聞。者。有。謂。某。公。會。於。此。潮。流。中。密。獲。賄。金。三。十。萬。幹。旋。上。海。輿。論。遂。至。罷。市。第。六。日。各。報。館。工。人。有。相。率。罷。工。之。說。斯。說。焉。余。良。不。忍。言。且。深。願。此。說。不。確。果。然。則。吾。堂。堂。皇。皇。代。表。輿。論。之。大。主。筆。先。生。無。怪。老。學。究。罵。之。爲。高。等。流。氓。矣。

余更有所不取者市間之傳單或店家門頭之白紙貼間有措辭費解或誤
 書白字者爲一般主持輿論者編入笑林趣史中以博閱者一笑要知此次
 民潮若何重大凡有世界眼光者應以端莊嚴肅之筆誌之方見吾國民氣
 之正大且此次之所以發動者乃公理爲強權壓迫幾至不堪不得已而出
 此舉吾人哭之號之尙不暇何暇以遊戲筆墨取樂哉再如傳單白紙貼乃
 一時代表民意之品也非太和殿角之卷本其辭雖不高其字雖誤寫而其
 意其志則良佳吾恐搖筆成文者此時尙昧心取笑其人格未必高於彼也
 或謂此次民潮嗟吾學子荒廢若許寶貴之光陰商業犧牲數千萬金錢之
 損失僅換得（准其辭職）四字殊太不值余曰否誠如君言損失固鉅而
 彼官吏終是俛首於我強權終爲公理所敗也此次乃我人民下第一次警

告書官吏對於此後之行政似可少有覺悟卽不然吾人民乘此休憩時間培植我民德振興我民業事事認定公理不差彼未來之曹汝霖輩雖發現十百千萬又何患去之不易哉故余對於此次呼救亡者極端反對而吾人民能爭公理卽可不亡吾人民能知公理乃保全生命之利器卽可不亡吾人民能犧牲（光陰）（金錢）（生命）以公理與強權奮鬪尤不至亡法之阿薩斯羅連喪失四十年波蘭瓜分一百二十餘年猶太之不成國一千餘年今竟因公理而恢復之足見公理不泯吾人民終不亡耳諸君乎來日大難欲締造莊嚴燦爛之神州大陸端在諸君掉頭一顧也



民國九年
教育部補助

中華民國九年
十一月廿日
購買

民國八年六月一日出版
民國八年六月十日發行

此書有著作權
必究
翻印必究

著述者
發行者
發行所

民潮七日記(全一冊)

定價大洋二角

外埠酌加郵費

其時

譙北楊塵因

上海公民社


上海公民社

代售處

各本埠

各大書局

國家圖書館



002573104

